

دائرة مخصوصه

درسعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنونيه
قبول اورانور

درج ايندلهين آثار اعاده اورانور

دينه، فلسفه، علوم، حقوق، ادبياتده و سياسياتده و باطاحه كرك سياسي او كرك اجتماعي و مدني احوال و مشوره اسلاميه در بحث ايدر و هفته در نشر از انور.

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آيلنی

قيرله دن مقوا بورو ايله كوندريليسره سنوی
۲۰ غروش فضله آلنیر

تاريخ تأسيسی

۱۰ تموز ۳۲۴

ممالك عثمانیه ايچون	۸۰	۴۰	غروش
روسيه	»	۶۵۰	۳۵۰ روبله
سائر ممالك اجنبیه	»	۱۷	۹ فرانق

صورتا غالب ، معناً مغلوب ژاپونیانك عزت نفسی سخته‌دار اولوب چار ناچار اختیار والده حضورندن چکیلمكه محكوم اولمشدر .

ایشته بو کیفیتده چین و ژاپون آره‌سی حل اولنوب حل اولنیان مسئله قاضیلرک حصه‌سی ایدی . بو مسئله‌ده قاضیلرده پک چابوق آکلاشدیلر ، آنلر یاغلی پارچه‌لری حصه‌لرینه آیردیلر : روسیه لیاؤتونده یرلشدی ، قوره‌یه آچیق یول بولدی ، ژاپونیانك دوست همشیره‌سی انکلتدییه وای های وای لیانی ، المانیایه « کیوچیو ، فرانسه تونکین‌ده تا کیدلندی ، ایتالیا دوستلرینه‌ده معاونت اولندی ، آمریکا مانچورییه‌ی تجارت ایچون آچیق ایتمه‌ی معاهده‌یه قیدایتیدردی . بو حالدن طبیعی ژاپونیا ممنون دکلدی . اونك کنسیدنی مظلوم عد ایده‌جکی معلوم ایدی .

قارئین کرام ، « چین دیپلوماتی لیخونف چانغ بوکی بولتیقه اتخاذیله ایچون چین اراضیسی فرنگلر حصه‌سینه دوشوردی ، بوایه چین دولتیچون مادی ضرردن ماعدا چینك شاننی سخته‌دار ایتك دیمکسدر » دیه جکلردر . ظاهراً بویله کورولسه‌ده لیخونف چانغک بو تدبیری حال وزمان اقتضاسندن ایدی ، لیخونف چانغک یکانه‌مرادی چینك انتباهی اولوب اهالی چینك منافع ملت ودولتی حمایه‌یه مقتدر حاله کلسی ایدی . بو جهتدن او ، چینك ترقیسی جان و دلدن ارزو ایندیور ، چینك ترقیسی ایسه بوکی شدتلی درسلدن صکره مملکتك آسایشی اولوب آسایش‌ده اوروپالیلره لقمه آتوب تسکین ایدلمه‌دجه ممکن دکل ایدی . چینك ترقیسی ایچون لیخونف چانغ اوروپا اصولی مکتبلر آچق ، چین اهالیسی ژاپونلر کی حرکته کتورمک ، اصلاحات یامق ، چینلرک قسانوب یالماقدن عبارت اسکی عادتلرینی سلب ایتك طرفنده اولوب بو خصوصیه چینك کنج ایمپراطوریه هم افکار اولمشدر .

لیخونف چانغ چین ماندارینلرینك بیوکلرندن واسکی زادکانلردن اولوب ترقی طرفداری اولان کنج ایمپراطورک قاین پدری اولمشدر . وپک چوق و قتلر حکومت باشنده بیوک مأوریتلرده بولنوب بتون مقصدی ، بتون فکری ، چینی تسلط اجانبیدن قورتارمق اولمشدر . او و قتلر چین مأمورلری ایچنده کنج ایمپراطورک ولیخونف چانغک مقصدینی ، فکرینی فهم ایدنلر پک آزاولوب بوفکرندن ناشی لیخونف چانغه فرنك طرفداری وطن خائی نظریله باقوب بروقت آنی خائن وطن طوتوب بتون رتبه و نشانلرینی سلب ایدنک امور حکومتدن تبعید ایلشلدی . کنج ایمپراطوری‌ده زمام امور حکومتدن ال چکدیروب امور حکومتی اختیار ایمپراطوریه کیندی ید اداره‌سینه آلوب کنج ایمپراطوری سرایده شدتلی کوز قاراغولنه آلمشلدی . وقتا که چین - ژاپون محاربه‌سنده چینلرک خلاف فرض اوله‌رق ژاپونلر چین عسکرینی پریشان ایتدیلر ، چینلر امان چاغیروب صلح ایسته‌دیلر . ژاپونلر صلح و مشاوره‌سیچون ، چین طرفندن لیخونف چانغ تعیین ایدلماکی تکلیف ایتدیلر ، اوزمان اعتدال دمنی غائب ایتش چین حکومتی معزول لیخونف چانغه التجایه مجبور اولدی . لیخونف

چانغ ایسه ایچه امتناعدن صکره بوفوق‌العاده سفارتی قبول ایلشدر . بوایه لیخونف چانغک یکانه مقصدی اولان چینك انتباهی اساسی قورلمش دیمکدی .

کرچه چینك انتباهی مسئله‌سنده لیخونف چانغ ژاپونلره هم افکار ایسده آنك اصل اساس بولتیقه‌سی ژاپونلری مستولی بر قوم اجنبی طنائیق اوزره قورولمشدر . لیخونف چانغ چین و ژاپون صلح مشاوردسنده بر مقدار فداکارلقده بولنش ، چین طوبراغسندن بر مقداری اجانبك تصرفه کچمسنه روی موافقت کوسترمشدر .

(مابعدی وار)
سیریا : زیسان (چین حدودنده)
ولی‌الله انوری

خدیبو عباس حلمی پاشانك بیاناتی

تان غزته‌سنگ مصرده بولان مخبر مخصوصی موسیو ژان رودک منسوب اولدینی غزته‌یه کوندردیکی مکتوبك طنین رفیقمزده منظورمن اولان ترجمه‌سی بروجه آتی نقل ایدیورز :

خدیبو مصرک رفقای تحریریه‌مزدن موسیو رنه بولیویه بوندن ایکی سنه اول واقع اولوب شو صحیفه‌لر اوزرینه نقل ایدیلن بیاناتی کرک مصرده ، کرک بوتون اوروپاده بویوک بر تأثیر حاصل ایلش ایدی . افادات واقعه خدیوک پک مشکل برموقعده بولندینی زمانلره تصادف ایتشدی . اوزمانلرده لورد قرومرک متحکم و شدید بولتیقه‌سی خدیوک موقعی اوقدر اشکال ایدیوردی که بر آره‌لق مشارالیهک استعفا ایده‌جکی لقردیسی بیله اورته‌یه چیقدی .

بیانات مذکوره اثناسنده خدیوک لقردیلرندن ترشح ایدن آجیلق شایعات مبحوثه‌ی تأییده خدمت آلییوردی .

فی‌الحقیقه یا کندیسنگ ترک موقع ایتمسندن یا خود انکلین مأمورینك عودت ایلسندن باشقه برچاره یوقدی . مسئله ایکنجی صورت تسویه ایله نهایتلندی ، یعنی لورد قرومر استعفا‌سنی ویردی .

مایدیورران فرقه‌سی ، کندیسنگ کنج رئیس و مؤسسسی اولان مصطفی کامل پاشانك تشویقی سایه‌سنده انکلین اشغالنه قارشى معارضات شدیدیه خدیوک افادات واقعه‌سی اوزرینه بوسبوتون کریمی ویردی . او وقت خدیو ، مصرلیلری مدح ایتدکن و بونلرک اوروپا مدنیتی تمثیل ایتدیرمک خصوصنده کوستردیکی ذکای لسان ستایشه یاد ایلدکن صوکره بروجه آتی اداره کلام ایلشدی :

— شرقده جاری اولان اصوله تطبیق حرکتله اقتدار و نفوذ شخصیمک توسیع و تقویه‌سسنه چالیشدیغم ادعا و تأمین ایدیایور . بوکا جواباً سزه شونی سویلیه‌یم که بن اوروپاده تربیه ایدلدم . و بر مملکتك تأمین منافعی ایچون حکمدارله ملتک برابر چالیشمسی لزومنی شدتله حس ایلدم . اکر بن مقصدم ضرور و آمال شخصیه‌مک ترویجنه خدمتدن عبارت اولسه ایدی اون بش سنه‌لک مدت حکومتم غیر قابل تحمل بر اضطرار بدن باشقه بر شی اولزدی .

خدیبو بو لقردیلرینه آئیده‌کی کله‌لره خاتمه ویرمشدی کی بونلر بوکون بیله پک معنی‌داردر .

وسائرہ ایچون مصارف کلیہ اختیار ایتسہلر زنکین اولہ جقلری نی سویلدی . و بروجہ آتی دوام ایتدی :

— اوت مصری پک درین بر محبتہ سوه رم . و هر طرفی پک اینی بیلیم . چونکہ هر طرفی کزدم و اہالیسینک قیمتی تقدیر ایتدم مکہ مکرمہ بی زیارت ایتدیکم ائنادہ اورادہ تصادف ایتدیکم بوتون صنوف اسلامیہ ایچندہ جدأ مصری لیرک تمیز ایتدکاری نی کورمککہ مفتخر اولدیغمی سزہ تأمین ایلرم . بن دائماً مملکتی ترقی ایتدیرمکہ و تجدیدات عصریہ دن مستفید ایلککہ چالیشدم . مع الاسف بعض مفرط و عجلہ جیلرک القا آتی مملکتک تکامل طبعیسینی آغیرلاشدیردی . مع مافیہ آغیر آغیر و حکیمانہ بر صورتہ ایلری یہ دوغری کیدیایور . بز اصول مبعوثیتی تعدیل ایتدہ مککہ برابر قوۂ نشریہ نیک اہمیتی تزیید ایلککہ . بعد ما بوتون بوتون مکاتب قوانین و نظاماتی دہ اورایہ بیراقلمشدر . مذاکرات علنیدر . و برقاج و قندن بری ناظرلردہ اورادہ بولمقدہ و کندن یلرندن لدی الايجاب هرشی اوزرینہ ایضاحات لازمہ دہ بوللمقدہ در . — شو افادہ لر کزدن طرفدار مشروطیت اولدیغکمز نتیجہ سی استخراج ایدہ بیلیم می ؟

— هیچ شہہ یوق ، ذاتاً بونک بونلہ اولہ مسی قابلمیدر ؟ بن اور و پادہ و حکومت مشروطہ آراسندہ بویودم . یئندہ خصم مشروطیت اولہ حق برماہیت ناصل موجود اولہ بیلیر ؟ بونلر یوقاریددہ سویلدیکم کی بعض مفرط و عجلہ جیلرک لقر دیلیردر . (تبسمالہ) کوروپورسکمز کہ غرتہ لرنندہ بکا قارشی الک یکی ، الک یکی واسطہ لرلہ تعرض ایدیورلر ! بو مملکتدہ وطنپرورلکدن الک اولہ بحث ایدن بن اولدیغ حالہ بکا برخائن وطن نامی ویرلمدی ؟ مملکتی صائمقدہ اولدیغ سویلمدی ؟ مکہ دن عودت ایتدیکم زمان اہالینک بنی نہ صورتہ قبول ایتدیکنی کوردیکمز ؟ دیمک اولیور کہ کندیلرینک حقمده کی اعتماد و محبتلرندن امین اولہ بیلیم . بن دہ اونلر حقندہ او قدر وفاکار و صمیمی یم . بالاخرہ خدیو ، مجلس ملی طرفندن بعدالتدقیق رد اولنہ حق اولان سویلر قنالی تجرید امتیازی مسئلہ سندن بحث ایدہ رک دیدی کہ :

— ظن ایدہ رم کہ بزوژہ منتج موفقیت اولہ حقدر . و بوضورتہ حکومتک الہ کچہ جک اولان یوز میلونلہ خیلی فائدہ لی شیار یاپہ جغز . زیرا اجراسی مقتضی خیلی امور وار . مصرک تجدد و ترقیسی خصوصندہ پک بویوک معاونت لردہ بولنان بردولتک ہمتیلہ بو وظیفہ بی دخی حسن ایفا ایدہ جکمز امید ایلرم . حکومت مشارالہانک مملکت مز دہ بولنان مأموری سیرالدون قورست بو خصوصہ کی تأمیناتک الک بویوکیدر .

مومی الیہ داخلہ مستشاری و صوکرہ دہ حکومت مصریہ امور مالہ مشاوری بولندینی زمان کندیسیلہ پک چوق چالیشمشدق . ہر ایکیمزدہ برابر چالیشمغہ آلیشدق . یکدیگر من حقندہ کی حرمت متقابلہ مز دہ بونی بوسبوتون تسہیل ایتدکدہ در .

بوندن صوکرہ حلمی پاشا ناظرلری وبالخاصہ برقاج کون صوکرہ قتل ایدیلن رئیس نظاری اوزون اوزون مدح ایتدی .



— فرانسزلرہ کثرتلہ مصرہ کلری نی سویلدیکمز . بزم ایچون یابدقلری نی اونوتیورز . بونککہ برابرینہ کندیلرینی پک سوه رز .

شوا فادہ بی ملتپرورانک کندی پروغراملرینہ نہ قدر موافق کوردکبری . و بوسیبلہ حکمداری کندیلریلہ ہمفکر وانکایز اشغالہ خصم اولہ رق تلقی ایتدکاری جابوجق آکلاشیلر .

فقط لورد قرومرک خلفلری طرفندن خدیو حقندہ کوستریان حرمت ، نظارہ ویران استقلال و حریت احوالی کاملاً تبدیل ایتدی . پک ضیق برائتلافدن عبارت اولان بویکی بولتیقدی عباس حامی پاشا ، تماماً قبول ایتدیکنی ایچون کنج مصریلر کندیسینہ قارشی بردن تبدیل طور ایتدیلر . بونکجیلر کندیلرینک مفرط ملتپرورلکی ایچندہ خدیوک انکایزلرلہ اشبواتلافی برخیا نکت کی تلقی ایتدیلر . و غرتہ لرلہ خدیوی مصرک تماماً انکایزلرلندہ قالمسینہ خادم اولق اوزرہ کوستردیلر . اللہوا غرتہ سنک یرلیر اوزرندہ کی تأثیری اودر جہ شدید ایدی کہ بر آراق خدیوک اہالی آراسندہ کی شہرت و نفوذینی کسرایلدی . حتی عباس حلمی پاشانک اخیراً مکہ مکرمہ بی زیارت ایلمی دہ حسیات دینیہ سی پک شدید اولان اہالینک بوضورتہ یکیدن توجہنی جلب ایتک مقصدینہ مبتنی اولدینی سویلمکدہ در .

بر آی اول قاہرہ سویلدیکنہ و کندیسینک عودتندہ اہالینک استقبال ایچون کوستردی شتاب و ہرجانہ نظرأ بو خصوصہ عباس حلمی پاشا ایچہ موفقیت دخی اکتساب ایشدر .

بوتون شوسبیلر دن دولایی خدیوی بالذات کوردک کندیسیلہ قونوشمق و افاداتی ایکی سنہ اولکی بیاناتیلہ مقایسہ ایتک لزومی کوندن کونہ کسب اہمیت ایدیور ایدی .

مشارالہلہ ایکی دفعہ ملاقات ایتک شرفہ نائل اولدم . اولہ کندیسینہ تقدیم ایدلدم . و بخلہ برابر اوچنجی بر شخص دہسا بولندینی ایچون بالطبع کندیسیلہ ایچہ قونوشمدم . ایکنجی ملاقاتدہ ایکی ساعت قدر یالکمز کوروشمکہ موفق اولدم او وقتہ قدر کندیسینی یالکمز سواقادہ آلا ی آراہہ سندہ کورمشدم . و کندیسینی رسمی البسلر ایچندہ افادہ سی بر آز آغیر اولان چہرہ سیلہ بر آز خشین بولمشدم .

بوملاقانلر ائناسندہ عباس حلمی پاشانک غایت سادہ و نازک بر آدم اولدیغنی کورہ کلہ محظوظ اولدم . سرایندہ قبول صالونک برکوشہ سنہ چکیلہ رک قونوشدق . بکا قارشی کمال امنیتلہ ادارہ کلام ایدیور ، کوزلرنده رضیای شباب و خیر بارلایوردی . کندیسیلہ کوروشدیکمز شیلرک بورایہ آنحق بر خلاصہ سی نقل ایدہ بیلہ جکم :

خدیو ابتدا ایکی سنہ اول ظہور ایدن بحران مالی ائناسندہ بوتون اجنبی سرمایہ دارانی چکیلیرکن فرانسزلر مصرہ قارشی کوستردکاری فداکارلقدن دولایی پک بیوک برمنونیت حسن ایتدیکنی سویلدی . ثانیاً مصرک بنم اوزرندہ اجرا ایتدیکنی تأثیری صوردی . و بن جواباً مملکتک معموریت و فعالیت ظاہرہ سی نظر دقتی جلب ایتدیکنی سویلینجہ غایت ممنون اولدی . او وقت بکا مصریلرک ذکاسنی ، غیرت و فعالیتلری ، اقتصاد پرورلکری نی مدح ایتدی . و بعض اعیاد عائلوہیہ